



白氏文集
九三九四

~ 16
2690
13



白氏長慶集卷第二十三

唐太子少傅刑部尚書致仕贈尚書右僕射太原

白居易樂天著

明後學松江馬元調巽甫校

律詩凡一百首

元微之除浙東觀察使喜得杭越隣州先贈長

句十七首並與
微之和答

稽山鏡水歡遊地，犀帶金章榮貴身。官職比君雖校小，
封疆與我且為隣。郡樓對翫千峯月，江界平分兩岸春。
杭越風光詩酒主，相看更合是何人。



門 16
號 2690
卷 13

席上答微之

我住浙江西君去浙江東勿言一水隔便與千里同富
貴無人勸君酒今宵為我盡杯中

答微之上船後留別

燭下樽前一分手舟中岸上兩迴頭歸來虛白堂中夢
合眼先應到越州

答微之泊西陵驛見寄

煙波盡處一點首應是西陵古驛臺知在臺邊望不見
暮潮空送渡船迴

答微之誇越州州宅

昭和九年
十一月二日
購求

賀上人回得報書大誇州宅似仙居厭看馮翊風沙久
喜見蘭亭煙景初日出旌旗生氣色月明樓閣在空虛
知君閣數江南郡除却餘杭盡不如

微之重誇州居其落句有西州羅刹之謔因嘲

茲石聊以寄懷

君問西州城下事醉中疊紙為君書嵌空石面標羅刹
壓捺潮頭敵子胥神鬼曾鞭猶不動波濤雖打欲何如
誰知太守心相似抵滯堅頑兩有餘

張十八員外以新詩二十五首見寄郡樓月下
吟翫通夕因題卷後封寄微之

秦城南省清秋夜江郡東樓明月時去我三千六百里
得君二十五篇詩陽春曲調高難和淡水交情老始知
坐到天明吟未足重封轉寄與微之

酬微之

微之題云郡務稍簡因得整集舊詩并
連綴刪削封章諫草繁委籍筭僅踰百
軸偶成自歡
兼寄樂天

滿篋填箱唱和詩少年為戲老成悲聲聲麗曲鼓寒玉
句句妍辭綴色絲吟翫獨當明月夜傷嗟同是白頭時
由來才命相磨折天遣無覓欲怨誰微之句云天遣兩
字付誰人故
以此答之

餘思未盡加為六韻重寄微之

海內聲華併在身篋中文字絕無倫美微之也遙知獨對封

章草忽憶同為獻納臣走筆往來盈卷軸予與微之前
後寄和詩數

百篇近代無
如此多有也除官遞互掌絲綸予除中書舍人微之撰
制詞微之除翰林學士

予撰
制詞制從長慶辭高古微之長慶初知制誥文格高詩
始變俗體繼者效之也

到元和體變新衆稱元白為千字
律詩或號元和格各有文姬才稚齒蔡

無兒有女
笑字文姬俱無通子繼餘塵陶潛小兒
名通子琴書何必求王

榮與女猶勝與外人

答微之詠懷見寄

閣中同直前春事船裏相逢昨日情分袂二年勞夢寐
並牀三宿話平生紫微北畔辭宮闕滄海西頭對郡城

白集 卷二十三 三二
聚散窮通何足道醉來一曲放歌行

酬微之誇鏡湖

我嗟身老歲方徂君更官高興轉孤軍門郡閣曾聞否
禹穴耶溪得到無酒盞省陪波卷白散盤思共彩呼盧
一泓鏡水誰能羨自有胷中萬頃湖微之詩云孫園虎
寺隨宜看不必遙
遙羨鏡湖故以此戲言答之

雪中即事答微之

連夜江雲黃慘澹平明山雪白模糊銀河沙漲三千里
梅嶺花排一萬株北市風生飄散麪東樓日出照凝酥
誰家高士關門戶何處行人失道途舞鶴庭前毛稍定

擣衣砧上練新鋪戲團稚女呵紅手愁坐衰翁對白鬚
壓瘴一州除疾苦呈豐萬井盡歡娛含玉德懷君子
寒助霜威憶大夫莫道煙波一水隔何妨氣候兩相殊
越中地暖多成雨還有瑤臺瓊樹無

醉封詩筒寄微之

一生休戚與窮通處處相隨事事同未死又隣滄海郡
無兒俱作白頭翁展眉只仰三杯後代面唯憑五字中
為向兩川郵吏道莫辭來去遞詩筒

除夜寄微之

鬢毛不覺白髮髮蘇合切一事無成百不堪共惜盛時辭

闕下同嗟除夜在江南家山泉石尋常憶世路風波子
細語老校於君合先退明年半百又加三

蘇州李中丞以元日郡齋感懷詩寄微之及予

輒依來篇七言八韻走筆奉答兼呈微之

白首餘杭白太守落魄地名來已久一辭渭北故園春
再把江南新歲酒杯前笑歌徒勉強鏡裏形容漸衰朽
領郡慙當潦倒年隣州喜得平安友長洲草接松江岸
曲水花連鏡湖口老去還能痛飲無春來曾作閒遊否
憑鴛傳語報李六倩鴈將書與元九莫嗟一日日催人
且貴一年年入手

早春西湖閒遊悵然興懷憶與微之同賞因思

在越官重事殷鏡湖之遊或恐未暇偶成十

八韻寄微之

上馬復呼賓湖邊景氣新管絃三數事騎從十餘人立
換登山屐行攜漉酒巾逢花看當妓遇草坐爲茵西日
籠黃柳東風蕩白蘋小橋裝鴈齒輕浪斲魚鱗畫舫牽
徐轉銀船酌慢巡野情遺世累醉態任天真彼此年將
老平生分最親高天從所願遠地得爲隣雲樹分三驛
煙波限一津翻嗟寸步隔却厭尺書頻浙右稱雄鎮山
陰委重臣貴垂長紫綬榮駕大朱輪出動刀槍隊歸生

道路塵鴈驚弓易散鷗怕鼓難馴百吏瞻相面千夫捧
擁身自然閒興少應負鏡湖春

答微之見寄

時在郡樓對雪

可憐風景浙東西先數餘杭次會稽禹廟未勝天竺寺
錢湖不羨若耶溪擺塵野鶴春毛暖拍水沙鷗濕翅低
更對雪樓君愛否紅欄碧甃點銀泥

祭社宵興燈前偶作

城頭傳鼓角燈下整衣冠夜鏡藏鬢白秋泉漱齒寒欲
將閒送老須著病辭官更待年終後支持歸計看

閒臥

盡日前軒臥神閒境亦空有山當枕上無事到心中簾
卷侵牀日屏遮入座風望春春未到應在海門東

新春江次

浦乾潮未應堤濕凍初銷粉片粧梅朵金絲刷柳條鴨
頭新綠水鴈齒小紅橋莫怪珂聲碎春來五馬驕

春題湖上

湖上春來似畫圖亂峰圍繞水平鋪松排山面千重翠
月點波心一顆珠碧毯線頭抽早稻青羅裙帶展新蒲
未能拋得杭州去一半勾留是此湖

早春憶微之

昏昏老與病相和感物思君歎復歌聲早雖先知夜短
色濃柳最占春多沙頭雨染班班草水面風驅瑟瑟波
可道眼前光景惡其如難見故人何

失鶴

失為庭前雪飛因海上風九霄應得侶三夜不歸籠聲
斷碧雲外影沉明月中郡齋從此後誰伴白頭翁

自感

宴遊寢食漸無味杯酒管絃徒繞身賓客歡娛僮僕飽
始知官職為他人

得湖州崔十八使君書喜與杭越隣郡因成長

句代賀兼寄微之

三郡何因此結緣貞元科第忝同年故情歡喜開書後
舊事思量在眼前越國封疆吞碧海杭城樓閣入青煙
吳興卑小君應屈為是蓬萊最後仙貞元初同登科崔君名最在後當時
崔自詠云人間不會雲間事應笑蓬萊最後仙

同諸客攜酒早看櫻桃花

曉報櫻桃發春攜酒客過綠餽徐盈切粘蕊杓紅雪壓枝
柯天色晴明少人生事故多停杯替花語不醉擬如何

柳絮

三月盡時頭白日與春老別更依依憑鶯為向楊花道

白集 卷三
絆惹春風莫放歸

早飲湖州酒寄崔使君

一榼扶頭酒泓澄瀉玉壺十分蘸甲酌斂灩滿銀盃捧
出華光動嘗看氣味殊手中稀琥珀舌上冷醍醐裏
有時盡江邊無處沽不知崔太守更有寄來無

病中書事

三載臥山城閒知節物情鶯多過春語蟬不待秋鳴氣
嗽因寒發風痰欲雨生病身無所用唯解卜陰晴

與微之唱和來去常以竹筒貯詩陳協律美而
成篇因以此答

揀得琅玕截竹筒緘題章句寫心骨隨風每喜飛如鳥
渡水常憂化作龍粉節堅如太守信霜筠冷稱大夫容
煩君讚詠心知愧魚目驪珠同一封

醉戲諸妓

席上爭飛使君酒歌中多唱舍人詩不知明日休官後
逐我東山去是誰

北院

北院人稀到東牕地最偏竹煙行竈上石壁臥房前性
拙身多暇心慵事少緣遠如病居士唯置一牀眠

酬周協律

五十錢塘守應為送老官濫蒙辭客愛猶作近臣看鑿
落愁須飲琵琶悶遣彈白頭雖強醉不似少年歡

題石上人

騰騰兀兀在人間貴賤賢愚盡往還
羶膩筵中唯飲酒歌鍾會處獨思山
存神不許三月住混俗無妨兩鬢斑
除却餘杭白太守何人更解愛君閒

詩解

新篇日日成不是愛聲名舊句時時改無妨悅性情但
令長守郡不覺却歸城祇擬江湖上吟哦過一生

潮

早潮纔落晚潮來一月周流六十回不獨光陰朝復暮
杭州老ニラヒテ去被潮催

聞歌妓唱嚴郎中詩因以絕句寄之

嚴前為郡守

已留舊政布中和又付新詞與艷歌
但是人家有遺愛就中蘇小感恩多

柘枝妓

平鋪一合錦筵開連擊二聲畫鼓催
紅蠟燭移桃葉起紫羅衫動柘枝來
帶垂鈿勝花腰重帽轉金鈴雪面迴
看卽曲終留不住雲飄雨送向陽臺

急樂世辭

正抽碧線繡紅羅，忽聽黃鶯斂翠蛾。
秋思冬愁春悵望，大都不稱意時多。

天竺寺送堅上人歸廬山

錫杖登高寺，香爐憶舊峯。
偶來舟不繫，忽去鳥無蹤。
豈要留離偈，寧勞動別容。
與師俱是夢，夢裏暫相逢。

除官赴闕留贈微之

去年十月半，君來過浙東。
今年五月盡，我發向關中。
兩鄉默默心相別，一水盈盈路不通。
從此津人應省事，寂寥無復述詩筒。

留題郡齋

吟山歌水朝風月，便是三年官滿時。
春為醉眠多閉閣，秋因晴望暫褰帷。
更無一事移風俗，唯化州民解詠詩。

別州民

耆老遮歸路，壺漿滿別筵。
甘棠無一樹，那得淚潛然。
稅重多貧戶，農饑足旱田。
唯留一湖水，與汝救凶年。
今春增築錢塘湖堤貯水以防天旱故云

留題天竺靈隱兩寺

在郡六百日，入山十二回。
宿因月桂落，醉為海榴開。
嘗有月中桂子落靈隱，多海石榴花也。
黃紙除書到，青宮詔命催。
僧徒多悵望，賓從亦徘徊。
寺閣煙埋竹，林香雨落梅。
別橋憐白

石辭洞戀青苔石橋在天竺明洞在靈隱漸出松間路猶飛馬上杯
誰教冷泉水送我下山來

西湖留別

征途行色慘風煙祖帳離聲咽管絃翠黛不須留五馬
皇恩只許住三年綠藤陰下鋪歌席紅藕花中泊妓船
處處回頭盡堪戀就中難別是湖邊

重寄別微之

憑仗江波寄一辭不須惆悵報微之猶勝往歲峽中別
灑潁堆邊招手時

重題別東樓

東樓勝事我偏知氣象多隨昏旦移湖卷衣裳白重疊
山張屏障綠參差海仙樓塔晴方出江女笙簫夜始吹
春雨星攢尋蟹火秋風霞颭弄濤旗餘杭風俗每寒食雨後夜涼家家持
燭尋蟹動盈萬人每歲八月宴宜雪髻新梳後曲愛霓
迎濤弄水者悉舉旗幟焉裳未拍時太守三年朝不盡郡齋空作百篇詩

別周軍事

主人頭白官仍冷去後憐君是底人試謁會稽元相去
不妨相見却殷勤

看常州柘枝贈賈使君

莫惜新衣舞柘枝也從塵汚汗霑垂料君即却歸朝去

不見銀泥衫故時

汴河路有感

三十年前路孤舟重往還繞身新眷屬舉目舊鄉關事
去唯留水人非但見山啼襟與愁鬢此日兩成斑

埭橋舊業

別業埭城北拋來二十春改移新逕路變換舊村隣有
稅田疇薄無官弟姪貧田園何用問強半屬他人

茅城驛

汴河無景思秋日又淒淒地薄桑麻瘦村貧屋舍低早
苗多閒草濁水半和泥最是蕭條處茅城驛向西

河陰夜泊憶微之

憶君我正泊行舟望我君應上郡樓萬里月明同此夜
黃河東面海西頭

杭州廻舫

自別錢塘山水後不多飲酒懶吟詩欲將此意憑迴棹
與報西湖風月知

途中題山泉

泱泱涌岩穴濺濺出洞門向東應入海從此不歸源似
葉飄辭樹如雲斷別根吾身亦如此何日返鄉園
欲到東洛得楊使君書因以此報

白集 卷三十三
向公心切向財疎，淮上休官洛下居。二郡政能從獨步，十年生計復何如。使君灘上久分手，別駕渡頭先得書。且喜平安又相見，其餘外事盡空虚。

洛下寓居

秋館清涼日，書因解悶看。夜窗幽獨處，琴不為人彈。遊宴慵多廢，趨朝老漸難。禪僧教斷酒，道士勸休官。渭曲莊猶在，錢塘俸尚殘。如能便歸去，亦不至飢寒。

味道

叩齒晨興秋院靜，焚香宴坐晚牕深。士篇真誥論仙事，一卷檀經說佛心。此日盡知前境妄，多生曾被外塵侵。

自嫌習性猶殘處，愛詠閒詩好聽琴。

好聽琴

本性好絲桐，塵機聞即空。一聲來耳裡，萬事離心中。清暢堪銷疾，恬和好養蒙。尤宜聽三樂，安慰白頭翁。

愛詠詩

辭章諷詠成千首，心行歸依向一乘。坐倚繩牀閒自念，前生應是一詩僧。

酬皇甫庶子見寄

掌綸不稱君應笑，典郡無能我自知。別詔忽驚新命出，同寮偶與夙心期。春坊瀟灑優閒地，秋鬢蒼浪老大時。

獨占二疎應未可龍樓見擬覓分司

臥疾

閒官臥疾絕經過居處蕭條近洛河水北水南秋月夜
管絃聲少杵聲多

遠師

東宮白庶子南寺遠禪師何處遙相見心無一事時

問遠師

蛩羶停夜食吟詠散秋懷笑問東林老詩應不破齋

小院酒醒

酒醒閒獨步小院夜深涼一領新秋簾二間明月廊未

收殘盞杓初換熱衣裳好是幽眠處松陰六尺牀

贈侯三郎中

老愛東都好寄身足泉多竹少埃塵年豐最喜唯貧客
秋冷先知是瘦人幸有琴書堪作伴苦無田宅可為隣
洛中縱未長居得且與蘇田遊過春

求分司東都寄牛相公十韻

忽忽心如夢星星鬢似絲縱貧長有酒雖老未拋詩儉
薄身都慣踈頑性頗宜飯粗殮亦飽被暖起常遲萬里
歸何得二年伴是誰華亭鶴不去天竺石相隨
余罷杭州得華亭鶴天竺石同載而歸王尹貴將馬田家賣與池開門閒坐日遶

白集 卷三十三
水獨行時懶慢交游許衰羸相府知官寮幸無事可惜
不分司

酬楊八

君以曠懷宜靜境我因寒步稱閒官閉門足病非高士
勞作雲心鶴眼看

履道新居二十韻

履道坊西角官河曲北頭林園四隣好風景一家秋門
閉深沉樹池通淺沮秋夜反溝拔青松直上鋪碧水平流
籬菊黃金合牕筠綠玉稠疑連紫陽洞似到白蘋洲僧
至多同宿賓來輒少留豈無詩引興兼有酒銷憂移榻

臨平岸攜茶上小舟果穿聞鳥啄萍破見魚遊地與塵
相遠人將境共幽汎潭菱點鏡沉浦月生鉤厨曉煙孤
起庭寒雨半收老飢初暖粥瘦冷早披裘洛下招新隱
秦中忘舊遊辭章留鳳閣班籍寄龍樓病愜官曹靜閒
慙俸祿優琴書中有得衣食外何求濟世才無取謀身
智不周應須共心語萬事一時休

九日思杭州舊遊寄周判官及諸客

忽憶郡南山頂上昔時同醉是今辰笙歌委曲聲延耳
金翠動搖光照身風景不隨官相去歡娛應逐使君新
江山賓客皆如舊唯是當筵換主人

秋晚

煙景澹濛濛池邊微有風覺寒螢近壁知冥鶴歸籠長
貌隨年改衰情與物同夜來霜厚薄梨葉半低紅

分司

散秩留司殊有味最宜病拙不才身行香拜表為公事
碧洛青嵩當主人已出間遊多到夜却歸慵臥又經旬
錢塘五馬留三匹還擬騎遊攬擾春

河南王初到以詩代書先問之

別來王閣老三歲似須臾鬢上斑多少杯前興有無官
從分緊慢情莫問榮枯許入朱門否籃輿一病夫

池西亭

朱欄映晚樹金魄落秋池還似錢塘夜西樓月出時

臨池閒臥

小竹圍庭匝平池與砌連閒多臨水坐老愛向陽眠營
役拋身外幽奇送枕前誰家臥牀脚解繫釣魚船

吾廬

吾廬不獨貯妻兒自覺年侵身力衰眼下營求容足地
心中準擬挂冠時新昌小院松當戶履道幽居竹遶池
莫道兩都空有宅林泉風月是家資

題新居寄宣州崔相公

所居南隣
即崔家池

門庭有水巷無塵好稱閒官作主人挾似雀羅雖少客
寬於蝸舍足容身疎通竹徑將迎月掃掠莎臺欲待春
濟世料君歸未得南園北曲謾爲隣

憶杭州梅花因敘舊遊寄蕭協律

三年閒悶在餘杭曾爲梅花醉幾場伍相廟邊繁似雪
孤山園裏麗如粧隨遊騎心長惜折贈佳人手亦香
賞自初開直至落歡因小飲便成狂薛劉相次埋新壘
沈謝雙飛出故鄉薛劉二客沈謝二妓皆當時歌酒之侶歌伴酒徒零散
盡唯殘頭白老蕭郎

病中辱張常侍題集賢院詩因以繼和

天祿閣門開甘泉侍從回圖書皆帝籍寮友盡仙才騎
省通中掖龍樓隔上臺猶憐病官相詩寄洛陽來

早春晚歸

晚歸騎馬過天津沙白橋紅反照新草色連延多隙地
鼓聲閒緩少忙人還如南國饒溝水不似西京足路塵
金谷風光依舊在無人管領石家春

贈楊使君

曾嗟放逐同巴峽且喜歸還會洛陽時命到來須作用
功名未立莫思量銀銜叱撥欺風雪金屑琵琶費酒漿
更待城東桃李發共君沉醉兩三場

贈皇甫庶子

何因散地共徘徊人道君才我不才騎少馬蹄生易蹶
用稀印鑲澀難開妻知年老添衣絮婢報天寒撥酒醅
更愧小胥諮拜表單衫衝雪夜深來

池上竹下作

穿籬遶舍碧透迤十畝閒居半是池食飽窓閒新睡後
脚輕林下獨行時水能性淡為吾友竹解心虛即我師
何必悠悠人世上勞心費目覓親知

閒出覓春戲贈諸郎官

年來數出覓春光亦不全閒亦不忙放鞦韆體安騎穩馬

隔袍身暖照晴陽迎春日日添詩思送老時時放酒狂
除却鬚髮白一色其餘未伏少年郎

別春爐

煖閣春初入溫爐興稍闌晚風猶冷在夜火且留看獨
宿相依久多情欲別難誰能共天語長遣四時寒

汎小輪二首

輪龍春切

水一塘輪一隻輪頭漾漾知風起輪背蕭蕭聞雨滴醉
臥船中欲醒時忽疑身是江南客
船緩進水平流一莖竹篙剔船尾兩幅青幕覆船頭亞
竹亂藤多照岸如從鳳口向湖州

夢行簡

天氣妍和水色鮮，閒吟獨步小橋邊。
池塘草綠無佳句，虛臥春窓夢阿憐。

題新居呈王尹兼簡府中三掾

弊宅須重葺，貧家乏羨財。
橋憑川守造，樹倩府僚栽。
朱板新猶濕，紅英暖漸開。
仍期更攜酒，倚檻看花來。

雲和

非琴非瑟亦非箏，撥柱推弦調未成。
欲散白頭千萬恨，只消紅袖兩三聲。

春老

欲隨年少強遊春，自覺風光不屬身。
歌舞屏風花障上，幾時曾畫白頭人。

春雪過皇甫家

晚來籃輿雪中回，喜遇君家門正開。
唯要主人青眼待，琴詩談笑自將來。

崔侍御以孩子二白示其所生詩見示因以二

絕和之

洞房門上挂桑弧，香水盆中浴鳳雛。
還似初生二白魄，嫦娥滿月即成珠。

愛惜肯將同寶玉，喜歡應勝得王侯。
弄璋詩句多才思

愁殺無兒老鄧攸

與皇甫庶子同遊城東

閒遊何必多徒侶相勸時時舉一杯博望苑中無職役
建春門外足池臺綠油剪葉蒲新長紅蠟粘枝杏欲開
白馬朱衣兩宮相可憐天氣出城來

洛城東花下作

記得舊詩章花多數洛陽舊詩云洛陽城東面今來花似雪又云更待城東桃李發
及逢枝似雪已是鬢成霜洛陽城向後光陰促從前
事意忙無因重年少何計駐時芳欲送愁離面須傾酒
入腸白頭無籍在醉倒亦何妨

晚春寄微之并崔湖州

洛陽陌上少交親履道城邊欲暮春崔在吳興元在越
出門騎馬覓何人

城東閒行因題尉遲司業水閣

閒遶洛陽城無人知姓名病乘籃輦出老著茜倉見切染紅草
衫行處處花相引時時酒一傾借君溪閣上醉詠兩三
聲

寄皇甫七

孟夏愛吾廬陶潛語不虛花樽飄落酒風案展開書隣
女偷新果家僮漉盧谷切小魚不知皇甫七池上興何如

訪皇甫七

上馬行數里逢花傾一杯更無停泊處還是覓君來

白氏長慶集卷二十三終

白氏長慶集卷第二十四

唐太子少傅刑部尚書致仕贈尚書右僕射太原

白居易樂天著

明後學松江馬元調巽甫校

律詩 凡一百首

除蘇州刺史別洛城東花

亂雪千花落新絲兩鬢生老除吳郡守春別洛陽城江
上今重去城東更一行別花何用伴勸酒有殘鶯

奉和汴州令狐令公二十二韻

客有東征者夷門一落帆二年方得到五日未為淹



領鎮隔年居易方到既在浚旌重葺遊梁館更添心因
到陪奉遊宴凡經五日知敦勸民安見察廉仁風扇
好善樂貌為禮賢謙俗阜知敦勸民安見察廉仁風扇
平道路陰雨膏聲聞閭文律操將柄兵機釣得鈴碧幢
油葉葉紅旆火檐檐景象春加麗威容曉助嚴槍森赤
豹尾纛吒丑亞切黑龍鬚門靜塵初斂城昏日半街選幽
開後院占勝坐前簷平展絲頭毯吐敢切高寒錦額簾雷
槌柘枝鼓雪擺胡騰衫髮滑歌釵墜粧光舞汗霑回燈
花簇簇過酒玉纖纖饌盛盤心殫醅濃盞底粘陸珍熊
掌爛海味蟹螯鹹福履千夫祝形儀四座瞻羊公長在
峴傳說莫歸巖蓋祝者眷愛人人遍風情事事兼猶嫌詩意也

客不醉同賦夜賦

船夜援琴

鳥棲魚不動月照夜江深身外都無事舟中只有琴七
絃為益友兩耳是知音心靜即聲淡其間無古今

答劉和州禹錫

換印雖頻命未通歷陽湖上又秋風不教才展休明代
為罰詩爭造化功我亦思歸田舍下君應厭臥郡齋中
好相收拾為閒伴年齒官班約略同

渡淮

淮水東南闊無風渡亦難孤煙生乍直遠樹望多圓春

浪棹聲急夕陽帆影殘清流宜映月今夜重吟看

赴蘇州至常州荅賈舍人

杭城隔歲轉蘇臺還擁前時五馬回厭見簿書先眼合
喜逢杯酒暫眉開未酬恩寵年空去欲立功名命不來
一別承明三領郡甘從人道是粗才

去歲罷杭州今春領吳郡慙無善政聊寫鄙懷

兼寄三相公

為問三相如何東國鈞那將最劇郡付與苦慵人豈
有吟詩客堪為持節臣不才空飽暖無惠及飢貧昨臥
南城月今行北境春鉛刀磨欲盡銀印換何頻杭老遮

車轍吳童掃路塵虛迎復虛送慙見兩州民

宣武令狐相公以詩寄贈傳播吳中聊用短章

用伸酬謝

新詩傳詠忽紛紛楚老吳娃耳徧聞盡解呼為好才子
不知官是上將軍辭人命薄多無位戰將功高少有文
謝眺篇章韓信鉞一生雙得不如君

自詠

形容瘦薄詩情苦豈是人間有相人只合一生眠白屋
何因三度擁朱輪金章未佩雖非貴銀盃常攜亦不貧
唯是無兒頭早白被天磨折恰平均

吟前篇因寄微之

君顏貴茂不清羸君句雄華不苦悲何事遣君還似我
髭鬚早白亦無兒

紫薇花

紫薇花對紫薇翁名目雖同貌不同獨占芳菲當夏景
不將顏色託春風潯陽官舍雙高樹興善僧庭一大叢
何似蘇州安置處花堂欄下月明中

自到郡齋僅經旬日方專公務未及宴遊偷閒
走筆題二十四韻兼寄常州賈舍人湖州崔
郎中仍呈吳中諸客

渭北離鄉客江南守土臣涉途初改月入境已經旬
郡標天下環封極海濱版圖十萬戶兵籍五千人自顧
才能少何堪寵命頻於已為道義施於物為政能在公榮軒印綬虛獎負絲綸除蘇州制云藏
塞津救煩無若靜補拙莫如勤形骨鯁之志闔境有袴襦之樂使科條簡攤今賦役
均以此為報効安敢不躬親襦袴提於手韋弦佩在紳
敢辭稱俗吏且願活疲民州常未徵黃霸湖猶借寇
旬愧無鐺脚政河北三郡相隣皆有善政徒忝大牙隣
制誥誇黃絹美賈常詩篇占白蘋美崔吳銅符拋不得
自謂瓊樹見無因警寐鐘傳夜催衙鼓報晨唯知對胥

吏未暇接親賓色變雲迎夏聲殘鳥過春來風非逐扇
 梅雨異隨輪武寺山如故武丘寺也王樓月自新郡內東南樓名也
 池塘閒長草絲竹廢生塵暑遣燒神耐晴教煦舞茵待
 還公事了亦擬樂吾身

題籠鶴

經旬不飲酒踰月未聞歌豈是風情少其如塵事多虎
 丘慙客問娃館妬人過莫笑籠中鶴相看去幾何

答客問杭州

為我踟躕停酒盞與君約略說杭州山名天竺三堆青黛
 湖號錢塘瀉綠油大屋簷多裝鴈齒小航船亦盡龍頭

所嗟水路無三百官繫何因得再遊

登閭門閒望

閭門四望鬱蒼蒼始覺州雄土俗強十萬夫家供課稅
 五千子弟守封疆閭城碧鋪秋草烏鵲橋紅帶夕陽
 處處樓前飄管吹家家門外泊舟航雲埋虎寺山藏色
 月耀娃宮水放光曾賞錢塘嬾茂苑今來未敢苦誇張

代諸妓贈送周判官

妓筵今夜別姑蘇客棹明朝向鏡湖莫汎扁舟尋范蠡
 且隨五馬覓羅敷蘭亭月破能迴否娃館秋涼却到無
 好與使君為老伴歸來休染白髭鬚

秋寄微之十二韻

娃館松江北，稽城浙水東。
屈君為長吏，伴我作衰翁。
 旌旆知非遠，煙雲望不通。
 忙多對酒榼，興少閱詩筒。
此在兩浙，留和詩贈荅於筒中，迺往來。
 淡白秋來日，疎涼雨後風。
 餘霞數片綺，新月一張弓。
 影滿衰桐樹，香凋晚蕙叢。
 飢啼春穀鳥，寒怨絡絲蟲。
 覽鏡頭雖白，聽歌耳未聾。
 老愁從此遣，醉笑與誰同。
 清且方堆案，黃昏始退公。
 可憐朝暮景，銷在兩衙中。

池上早秋

荷葉綠參差，新秋水滿池。
 早涼生北檻，殘照下東籬。
 露

飽蟬聲懶，風乾柳意衰。
 過潘二十歲，何必更愁悲。

郡西亭偶詠

常愛西亭面北林，公私塵事不能侵。
 共閒作伴無如鶴，與老相宜只有琴。
 莫遣是非分作界，須教吏隱合為心。
 可憐此道人皆見，但要修行功用深。

故衫

闇淡緋衫稱老身，半披半曳出朱門。
 袖中吳郡新詩本，襟上杭州舊酒痕。
 殘色過梅看向盡，故香因洗嗅猶存。
 曾經爛熳三年著，欲棄空箱似少恩。

郡中夜聽李山人彈三樂

風琴秋拂匣月戶夜闌關榮啟先生樂姑蘇太守閒傳
聲千古後得意一時閒却怪鍾期耳唯聽水與山

東城桂三首 并序

蘇之東城古吳都城也今為樵牧之場有桂一株生乎
城下惜其不得地因賦三絕句以唁之

子墮本從天竺寺根盤今在闔閭城當時應逐南風落

落向人間取次生舊說杭州天竺寺每歲秋中有月桂子墮

霜雪壓多雖不死荆榛長疾欲相埋長憂落在樵人手

賣作蘇州一束柴

遙知天上桂花孤試問嫦娥更要無月宮幸有閒田地

何不中央種兩株

聞行簡恩賜章服喜成長句寄之

吾年五十加朝散爾亦今年賜服章齒髮恰同知命歲

官銜俱是客曹郎予與行簡俱年五十七始著緋皆是主客郎官榮傳錦帳花

聯萼彩動綾袍鴈越行緋多以鴈銜瑞莎為之也大抵著緋宜老大

莫嫌秋鬢數莖霜

喚笙歌

露隊委花權風吹敗葉荷老心歡樂少秋眼感傷多若
歲今如此衰翁可奈何猶應不如醉試遣喚笙歌

對酒吟

一拋學士筆，三佩使君符。未換銀青綬，唯添雪白鬚。公
門衙退掩妓席，客來鋪履鳥從相近。謳吟任所須，金銜
嘶五馬，鈿帶舞雙姝。不得當年有，猶勝到老無。合聲歌
漢月齊手拍吳歎，今夜還先醉，應煩紅袖扶。

偶飲

三盞醺醺四體融，妓亭簷下夕陽中。千聲方響鼓相續，
一曲纔和夏未終。今日心情如往日，秋風氣味似春風。
唯憎小吏樽前報道去，衙時水五筒。

早發赴洞庭舟中作

闌間曙色欲蒼蒼，星月高低宿水光。棹舉影搖燈燭動，

舟移聲拽管絃長。漸看海樹紅生白，遙見包山白帶霜。
出郭已行十五里，唯銷一曲慢霓裳。

宿湖中

水天向晚碧沉沉，樹影霞光重疊深。浸月冷波千頃練，
苞霜新橘萬株金。幸無案牘何妨醉，縱有笙歌不廢吟。
十隻畫船何處宿，洞庭山脚太湖心。

揀貢橘書情

洞庭貢橘揀宜精，太守勤王請自行。珠顆形容隨日長，
瓊漿氣味得霜成。登山敢惜駑駘力，望闕難伸螻蟻情。
疎賤無由親跪獻，願憑朱實表丹誠。

夜泛陽塢入明月灣即事寄崔湖州

湖山處處好淹留最愛東灣北塢頭掩映橘林千點火
泓澄潭水一盆油龍頭畫舸銜明月鵲脚紅旗蘸碧流
為報茶山崔太守與君各是一家遊嘗羨吳興每春茶
山之遊洎入太湖
羨意減矣故云

泛太湖書事寄微之

煙渚雲帆處處通飄然舟似入虛空玉杯淺酌巡初匝
金管徐吹曲未終黃夾纈林寒有葉碧琉璃水淨無風
避旗飛鷺翩翻白鷺鼓跳魚拔刺紅澗雪壓多松偃蹇
巖泉滴久石玲瓏書為故事留湖上所見勝景多記
在湖中石上吟

作新詩寄浙東軍府威容從道盛江山氣色定知同報
君一事君應羨五宿澄波皓月中

題新館

曾為白社羈遊子今作朱門醉飽身十萬戶州尤覺貴
二千石祿敢言貧重裘每念單衣士兼味常思旅食人
新館寒來多少客欲回歌酒暖風塵

西樓喜雪命宴

宿雲黃慘澹曉雪白飄颻散麵遮槐市堆花壓柳橋四
郊鋪縞素萬室甃瓊瑤銀榼攜桑落金爐上麗譙光迎
舞妓動寒近醉人銷歌樂雖盈耳慙無五袴謠

新栽梅

池邊新種七株梅，欲到花時點檢來。真似長洲桃李妬，今年好為使君開。

酬劉和州戲贈

錢塘山水接蘇臺，兩地褰帷愧不才。政事素無爭學得，風情舊有且將來。雙蛾解珮啼相送，五馬鳴珂笑却回。不似劉郎無景行，長拋春恨在天台。

戲和賈常州醉中二絕句

聞道毗陵詩酒興，近來積漸學姑蘇。菴退合切網從頭新令從偷去，刮骨清吟得侶無。

越調管吹留客曲，吳吟詩送煖寒杯。娃宮無限風流事，好遣孫心暫學來。

歲暮寄微之三首

微之別久能無歎，知退書稀豈免愁。甲子百年過半後，光陰一歲欲終頭。池水曉合膠船底，樓雪晴銷露瓦溝。自覺歡情隨日減，蘇州心不及杭州。榮進雖頻退亦頻，與君才命不調勻。若不九重中掌事，即須千里外拋身。紫垣南北廳曾對，滄海東西郡又隣。唯欠結廬高洛下，一時歸去作閒人。白頭歲暮苦相思，除却悲吟無可為。枕上從妨一夜睡，

燈前讀盡十年詩讀前後龍鍾校正騎驢日顛顛通江

司馬時通州若並如今是全活紆朱拖紫且開眉

歲日家宴戲示弟姪等兼呈張侍御二十八文

殷判官二十三兄

弟妹妻孥小姪甥嬌癡弄我助歡情歲盡後推藍尾酒

春盤先勸膠牙錫徐盈切形骸潦倒雖堪歎骨肉團圓亦

可榮猶有誇張少年處笑呼張文喚殷兄

五月三日間行

黃鸝巷口鶯欲語烏鵲河頭水欲銷黃鸝坊名綠浪東

西南北水紅欄三百九十橋蘇之官橋之數鴛鴦蕩漾雙雙翅

楊柳交加萬萬條借問春風來早晚只從前日到今朝

夜歸

逐勝移朝宴留歡放晚衙賓寮多謝客騎從半吳娃到

處銷春景歸時及月華城陰一道直燭焰兩行斜東吹

先催柳南霜不殺花臯橋夜沽酒燈火是誰家

自歎

豈獨年相迫兼為病所侵春來痰氣動老去嗽聲深眼

暗猶操筆頭斑未挂簪因循過日月真是俗人心

郡中閒獨寄微之及崔湖州

少年賓旅非吾輩晚歲簪纓束我身酒散更無同宿客

詩成長作獨吟人，
賴洲會面知何日。
鏡水離心又一春，
兩處也應相憶在。
官高年長少情親。

小舫

小舫一艘新造了，
輕裝梁柱庫安逢。
深坊靜岸遊應遍，
淺水低橋去盡通。
黃柳影籠隨棹月，
白蘋香起打頭風。
慢牽欲傍櫻桃泊，
借問誰家花最紅。

馬墜強出贈同座

足傷遭馬墜，腰重倩人擡。
祗合牕閒臥，何因花下來。
坐依桃葉妓，行呷地黄杯。
強出非他意，東風落盡梅。

夜聞賈常州崔湖州茶山境會想羨歡宴因寄

此詩

遙聞境會茶山夜，
珠翠歌鐘俱遶身。
盤下中分兩州界，
燈前合闋作一家。
春青娥遞舞應爭妙，
紫笋齊嘗各鬪新。
自歎花時拈牖下，
蒲黃酒對病眠人。
時馬墜損腰，正勸蒲黃酒。
酬微之開拆新樓初畢相報末聯見戲之作

病中多雨逢寒食

水國多陰常懶出，
老夫饒病愛閒眠。
三旬臥度鶯花月，

一半春銷風雨，天薄暮何人。吹簾新晴幾處，縛鞦韆。綵繩芳樹長如舊，唯是年年換少年。

清明夜

好風隴月清明夜，碧砌紅軒。刺史家獨遠，迴廊行復歇。遙聽絃管暗看花。

蘇州柳

金谷園中黃嬋娜，曲江亭畔碧婆娑。老來處處行應遍，不似蘇州柳最多。絮撲白頭條拂面，使君無計奈春何。

婆娑一作婆娑

三月二十八日贈周判官

丁春惆悵殘，三日醉問周郎。憶得無柳絮，送入鶯勸酒。去年今日別東都。

偶作

紅杏初生葉青梅，已綴枝。珊瑚花落後，寂寞酒醒時坐。慙低眉久行慵舉足，遲少年君莫怪頭白自應知。

重與劉和州

來篇云蘇州刺史何能詩西掖吟來替左司又云若共吳王鬪百草

不知唯是欠西施

分無佳麗敵西施，敢有文章替左司。隨分笙歌聊自樂，等閒篇詠被人知。花邊妓引尋香徑，月下僧留宿劔池。可惜當時好風景，吳王應不解吟詩。

探香徑在館娃宮

奉送三兄

少年曾管二千兵，晝聽笙歌夜所營。自反丘園頭盡白，
每逢旗鼓眼猶明。杭州暮醉連林臥，吳郡春遊並馬行。
自愧阿連官職慢，只教兄作使君兄。

城上夜宴

留春不住登城望，惜夜相將秉燭遊。風月萬家河兩岸，
笙歌一曲郡西樓。詩聽越客吟何苦，酒被吳娃勸不休。
從道人生都是夢，夢中歡笑亦勝愁。

重題小舫贈周從事兼戲微之

細蓬青篾織魚鱗，小眼紅腮襯麴塵。閑狹纔容從事座，

高低恰稱使君身。舞筵須揀腰輕女，仙棹難勝骨重人。
不似鏡湖廉使出，高橋大舫鬧驚春。

吳櫻桃

含桃最說出東吳，香色鮮穠氣味殊。恰恰舉頭千萬顆，
娑娑拂面兩三株。鳥偷飛處啣將火，人摘爭時蹋破珠。
可惜風吹兼雨打，明朝後日即應無。

春盡勸客酒

林下春將盡，池邊日半斜。櫻桃落砌顆，夜合隔簾花。嘗
酒留閒客，行茶使小娃。殘杯勸不飲，留醉向誰家。
仲夏齋居偶題八韻寄微之及崔湖州

腥血與葷蔬停來一月餘肌膚雖瘦損方寸任清虛體
適通宵坐頭慵隔日梳眼前無俗物身外即僧居水榭
風來遠松廊雨過初寒簾放巢燕投食施池魚久別聞
遊伴頻勞問疾書不知湖與越吏隱與何如

官宅

紅紫共紛紛祇承老使君移舟木蘭棹行酒石榴裙水
色窸窸見花香院院聞戀他官舍住雙鬢白如雲

六月三日夜聞蟬

荷香清露墜柳動好風生微月初三夜新蟬第一聲乍
聞愁北客靜聽憶東京我有竹林宅別來蟬再鳴不知

池上月誰撥小船行

蓮石

青石一兩片白蓮三四枝寄將東洛去心與物相隨石
倚風前樹蓮栽月下池遙知安置處預想發榮時領郡
來何速還鄉去已遲莫言千里別歲晚有心期

眼病二首

散亂空中千片雪蒙籠物上一重紗縱逢晴景如看霧
不是春天亦見花已上四句皆病眼中所見者僧說客塵來眼界
言風眩在肝家兩頭治療何曾瘥藥力微茫佛力賒
眼藏損傷來已久病根牢固去應難醫師盡勸先停酒

道侶多教早羅官案上謾鋪龍樹論盒中虛燃決明丸
人間方藥應無益爭得金篦試刮看

題東武丘寺六韻

香剎看非遠祇園入始深龍蟠松矯矯玉立竹森森怪
石千僧坐靈池一劔沉海當亭兩面山在寺中心酒熟
憑花勸詩成倩鳥吟寄言軒冕客此地好抽簪

夜遊西武丘寺八韻

不厭西丘寺閒來即一過舟船轉雲島樓閣出煙蘿路
入青松影門臨白日波魚跳驚秉燭猿覷怪鳴珂搖曳
雙紅旆娉婷十翠娥容滿蟬態等香花助羅綺鍾梵避

多主笙歌領郡時將久遊山數幾何一年十二度非少亦非

詠懷

蘇杭自昔稱名郡牧守當今最好官兩地江山踴得遍
五年風月詠將殘幾時酒盞曾拋却何處花枝不把看
白髮滿頭歸得也詩情酒興漸闌舞將殘一作來殘

重詠

日覺雙眸暗年驚兩鬢蒼病應無處避老更不宜忙徇
俗心情少休官道理長今秋歸去定何必重思量

百日假滿

心中久有歸田計，身上都無濟世才。長告初從百日滿，故鄉元約一年回。馬辭轅下頭高舉，鶴出籠中翅大開。但拂衣行莫回顧的，無官職趣人來。

九月寄微之

眼闔頭風事事妨，遶籬新菊為誰黃。閒遊日久心情倦，痛飲年深肺損傷。吳郡兩回逢九月，越州四度見重陽。怕飛杯酒多分數，厭聽笙歌舊曲章。蟋蟀聲寒初過雨，茱萸色淺未經霜。去秋共數登高會，又被今年減一場。

題報恩寺

好是清涼地，都無繫絆身。晚晴宜野寺，秋景屬閒人。淨

石堪數坐寒泉，可濯巾。自慙容鬢上猶帶郡庭塵。

晚起

臥聽襲襲衙鼓聲，起遲睡足長。心情華簪脫後頭，雖白堆案拋來眼。校明閒上籃輿乘興出，醉回花舫信風行。明朝更溺塵纓去，聞道松江水最清。

自思益寺次楞伽寺作

朝從思益峯遊後，晚到楞伽寺歇時。照水姿容雖已老，上山筋力未全衰。行逢禪客多相問，坐倚漁舟一自思。猶去懸車十五載，休官非早亦非遲。

松江亭攜樂觀漁宴宿

震澤平蕪岸松江落葉波在官常夢想為客始經過水面排骨網船頭簇綺羅朝盤鱸紅鯉夜燭舞青娥鴈斷知風急潮平見月多繁絲與促管不解和漁歌

宿靈巖寺上院

高高白月上青林客去僧歸獨夜深
萱血屏除唯對酒歌鐘放散只留琴
更無俗物當人眼但有泉聲洗我心
最愛曉亭東望好太湖煙水綠沉沉

酬別周從事二首

腰痛拜迎人客倦眼昏勾押簿書難辭官歸去綠衰病莫作陶潛范蠡看

洛下田園久拋擲吳中歌酒莫留連
高陽雲樹伊川月已校歸遲四五年

武丘寺路

去年重開寺路桃李蓮荷約種二千株

自開山寺路水陸往來頻銀勒牽驕馬花船載麗人
菱荷生欲遍桃李種仍新好住湖堤上長留一道春

齊雲樓晚望偶題十韻兼呈馮侍御周殷二協

律

樓在蘇州

潦倒官情盡蕭條芳歲闌欲辭南國去重上北城看
復疊江山壯平鋪井邑寬人稠過楊府坊開半長安
插霧峰頭沒穿霞日脚殘水光紅漾漾樹色綠漫漫
約略留

遺愛殷勤念舊歡，病拋官職易老別。友朋難九月全無，
熱西風亦未寒。齊雲樓北面，半日凭欄干。

河亭晴望九月八日

風轉雲頭斂，煙銷水面開。晴虹橋影出，秋鴈櫓聲來。郡
靜官初罷，鄉遙信未迴。明朝是重九，誰勸菊花杯。

留別微之

于時久與本心違，悟道深知前事非。猶厭勞形辭郡印，
那將趣伴著朝衣。五千言裏教知足，三百篇中勸式微。
少室雲邊伊水畔，比君校老合先歸。

自喜

自喜天教我少緣，家徒行計兩翩翩。身兼妻子都三口，
鶴與琴書共一船。僮僕減來無冗食，資糧算外有餘錢。
攜將貯作丘中費，猶免飢寒得數年。

武丘寺路宴留別諸妓

銀泥裙映錦障泥，畫舸停橈馬簇蹄。清管曲終鸚鵡語，
紅旗影動駮蒲撥切輪河干切漸消醉色朱顏淺，欲語
離情翠黛低。莫忘使君吟咏處，女墻湖北虎丘西。
一本駮輪作潑汗

江上對酒二首

酒助疎頑性，琴資緩慢情。有慵將送老，無智可勞生。忽

忽忘機坐，任任運行。家鄉安處，是那獨在神京。
久貯滄浪意，初辭桎梏身。昏昏常帶酒，默默不膺人坐。
穩便箕踞，眠多愛欠伸。客來存禮數，始看白綸巾。

望亭驛酬別周判官

何事出長洲，連宵飲不休。醒應難作別，歡漸少於愁。
燈火穿村市，笙歌上驛樓。何言五十里，已不屬蘇州。

見小姪龜兒咏燈詩并臘娘製衣因寄行簡

已知臘子能裁服，復報龜兒解咏燈。巧婦才人常薄命，
莫教男女苦多能。

酒筵上答張居士

但要前塵滅，無妨外相同。雖過酒肆上，不離道場中。
絃管聲非實，花鈿色是空。何人知此義，唯有淨名翁。

鸚鵡

隴西鸚鵡到江東，養得今年青漸紅。常恐恩歸先剪翅，
每因餒食漸開籠。人憐巧語情雖重，鳥憶高飛意不同。
應侶朱門歌舞妓，深藏牢閉後房中。

聽琵琶妓彈略略

腕軟撥頭輕，新教略略成。四絃千遍語，一曲萬重情。
法向師邊得，能從意上生。莫欺江外手，別是一家聲。

寫新詩寄微之偶題卷後

寫了吟看滿卷愁淺紅殘紙小銀鈎未容寄與微之去
已被人傳到越州

寶曆二年八月三十日夜夢後作

塵纓忽解誠堪喜世網重來未可知莫忘全吳館中夢
嶺南泥雨步行時

與夢得同登棲靈塔

半月悠悠在廣陵何樓何塔不同登共憐筋力猶堪在
上到棲靈第九層

夢蘇州水閣寄馮侍御

揚州驛裏夢蘇州夢到花橋水閣頭覺後不知馮侍御

此中昨夜共誰遊

喜罷郡

五年兩郡亦堪嗟偷出遊山走看花自此光陰為已有
從前日月屬官家樽前免被催迎使枕上休聞報坐衙
睡到午時歡到夜回看官職是泥沙

答次休上人

來篇云門有餘霞千萬
首何方一句乞聞人

姓白使君無麗句名休座主有新文禪心不合生分別
莫愛餘霞嫌碧雲

白氏長慶集卷二十四終

長慶集卷二十四終

白氏長慶集卷二十四終

白氏長慶集卷二十四終

白氏長慶集卷二十四終

白氏長慶集卷二十四終

白氏長慶集卷二十四終

白氏長慶集卷二十四終

白氏長慶集卷二十四終

